



-UPRAVNI ODBOR-

Broj: 02-23/20.

Sarajevo, 22. 04. 2020. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17) i člana 55. Statuta Univerziteta u Sarajevu, kao i člana 36. stav (2). Poslovnika o radu Upravnog odbora Univerziteta u Sarajevu, a u vezi sa Zahtjevom Elektrotehničkog fakulteta Univerziteta u Sarajevu za davanje uputa za postupanje u vezi sa Odlukom Upravnog odbora broj: 02-113-8/19 od 24. 12. 2019. godine, Upravni odbor Univerziteta u Sarajevu je, na 22. elektronskoj sjednici održanoj dana 22. 04. 2020. godine, donio *s l i j e d e ē i*

ZAKLJUČAK

Upravni odbor Univerziteta u Sarajevu konstatira da je postupajući po Žalbi prof. dr. Zikrije Avdagića na Odluku Dekana Elektrotehničkog fakulteta Univerziteta u Sarajevu o prestanku radnog odnosa radi ispunjavanja uslova za odlazak u penziju broj: 0101-8349/19 od 08. 10. 2019. godine, donesena Odluka 02-113-8/19 od 24. 12. 2019. godine, te da je ista konačna i izvršna. Stoga, se obavezuje rukovodstvo Elektrotehničkog fakulteta Univerziteta u Sarajevu da postupi u skladu sa donesenom Odlukom i prof. dr. Zikriji Avdagiću, redovnom profesoru Elektrotehničkog fakulteta Univerziteta u Sarajevu omogući sudjelovanje u nastavnom procesu i realizaciji nastave.

**PREDSEDJEDNIK
UPRAVNOG ODBORA**

Dr. sc. Murat Ramadanić



Dostaviti:

- Dekanu Elektrotehničkog fakulteta UNSA
- Rektoru
- Predsjedniku i članovima UO UNSA
- Generalnom sekretaru
- Službi za plan i analizu UNSA
- U dokumentaciju UO UNSA
- Arhivi





-UPRAVNI ODBOR-

Broj: 02-23-1/20.

Sarajevo, 22. 04. 2020. godine

Na osnovu člana 129. stav (2). tačka j) Zakona o visokom obrazovanju („Sl. novine Kantona Sarajevo“, broj: 33/17), člana 55. tačka k) Statuta Univerziteta u Sarajevu, postupajući po Zahtjevu za razmatranje postupaka dekana, upućenog od strane prof. dr. Samira Omanovića, vanrednog profesora Elektrotehničkog fakulteta Univerziteta u Sarajevu, zaveden pod brojem: 0101-13105/19 od 27. 12. 2019. godine, Upravni odbor Univerziteta u Sarajevu je na 22. elektronskoj sjednici, održanoj dana 22. 04. 2020. godine donio *s l e d e ĉ u*

O D L U K U

1. Zahtjev za razmatranje postupaka dekana, upućenog od strane prof. dr. Samira Omanovića, vanrednog profesora Elektrotehničkog fakulteta Univerziteta u Sarajevu, zaveden pod brojem: 0101-13105/19 od 27. 12. 2019. godine, odbija se kao **neosnovan**.
2. Ova Odluka stupa na snagu danom donošenja.

O b r a z l o ž e n j e

Prof. dr. Samir Omanović, vanredni profesor Elektrotehničkog fakulteta Univerziteta u Sarajevu je dana 27. 12. 2019. godine, uputio Upravnom odboru Univerziteta u Sarajevu Zahtjev za razmatranje postupaka dekana, zaveden pod brojem: 0101-13105/19 (u dalnjem tekstu: Zahtjev).

U predmetnom Zahtjevu, prof. dr. Samir Omanović, vanredni profesor Elektrotehničkog fakulteta Univerziteta u Sarajevu navodi da je dekan Elektrotehničkog fakulteta Univerziteta u Sarajevu donio Rješenje kojim se utvrđuje da će prof. dr. Samir Omanović, vanredni profesor Elektrotehničkog fakulteta Univerziteta u Sarajevu učestrovati u nastavnom procesu u studijskoj 2019/2020. godini na predmetima: Prepoznavanja oblika i obrada slika – izborni predmet, Napredni softver inženjeringu, Sistemi za podršku odlučivanju, Organizacija softverskog projekta – izborni predmet, Vještačka inteligencija broj: 02-4902/19 od 25. 10. 2019. godine.

Nadalje, imenovani u Zahtjevu naznačava da je na spomenuto Rješenje uložio Prigovor zaveden pod brojem: 02-5568 od 22. 11. 2019. godine, te da je naslovio na Upravni odbor, ali da je od strane rukovodstva upozoren u pismenoj formi da je poukom o pravnom lijeku data uputa da se prigovor/žalba može uputiti Vijeću Elektrotehničkog fakulteta u roku od 15 dana, te da je shodno pisanim upozorenju isti upućen Vijeću Elektrotehničkog fakulteta Univerziteta u Sarajevu na dalje postupanje. Vijeće Elektrotehničkog fakulteta Univerziteta u Sarajevu je odlučilo se predmetni Prigovor vratiti prvostepenom tijelu na postupanje. Nadalje, u predmetnom Zahtjevu podnosioca se naznačava da je dekan Elektrotehničkog fakulteta Univerziteta u Sarajevu cijeneći navode iz Prigovora dostavio Obavijest broj: 02-6251/19 od 26. 12. 2019. godine, kojim se informiše podnosioc da će na predmetu Vještačka inteligencija biti angažiran drugi nastavnik.

Uz predmetni Zahtjev podnosič je priložio sljedeću dokumentaciju:

- Žalba prof. dr. Samira Omanovića, vanrednog profesora Elektrotehničkog fakulteta Univerziteta u Sarajevu na Odluku dekana Elektrotehničkog fakulteta Univerziteta u Sarajevu broj: 02-4748/19 od 21. 10. 2019. godine,
- Rješenje dekana Elektrotehničkog fakulteta Univerziteta u Sarajevu broj: 02-4902/19 od 25. 10. 2019. godine,
- Prigovor prof. dr. na Samira Omanovića, vanrednog profesora Elektrotehničkog fakulteta Univerziteta u Sarajevu na Rješenje dekana Elektrotehničkog fakulteta Univerziteta u Sarajevu broj: 02-5568/19 od 22. 11. 2019. godine,
- Obavijest dekana u vezi sa Prigovorom prof. dr. Samira Omanovića, vanrednog profesora na Elektrotehničkom fakultetu Univerziteta u Sarajevu broj: 02-5713/19 od 02. 12. 2019. godine,
- Izjašnjenje prof. dr. Samira Omanović na Obavijest dekana broj: 02-5738/19 od 03. 12. 2019. godine,
- Rješenje dekana Elektrotehničkog fakulteta Univerziteta u Sarajevu kojim se odbacuje Prigovor prof. dr. Samira Omanovića, vanrednog profesora Elektrotehničkog fakulteta Univerziteta u Sarajevu broj: 02-5912/19 od 09. 12. 2019. godine,
- Obavijest dekana Elektrotehničkog fakulteta Univerziteta u Sarajevu broj: 02-6251/19 od 26. 12. 2019. godine.

Upravni odbor Univerziteta u Sarajevu konstatira da je shodno svojim nadležnostima, a u vezi sa odredbom člana 114. stav (1) Zakona o radu FBiH („Sl. novine FBiH“, br. 26/16 i 89/18) kojom se utvrđuje da radnik koji smatra da mu je poslodavac povrijedio neko pravo iz radnog odnosa, može u roku od 30 dana od dana saznanja za povredu prava zahtijevati od poslodavca ostvarivanje tog prava, cijenio da li je u konkretnom slučaju došlo do povrede prava iz radnog odnosa.

Uzimajući u obzir sve navode naznačene u Zahtjevu podnosioca, te da je imenovani uputio Prigovor na Rješenje dekana Elektrotehničkog fakulteta Univerziteta u Sarajevu broj: 02-5568/19 od 22. 11. 2019. godine, a da je u Rješenju data pouka o pravnom lijeku, da se prigovor/žalba upućuju Vijeću Elektrotehničkog fakulteta Univerziteta u Sarajevu u roku od 15 dana, što u datom slučaju nije učinjeno, rukovodstvo Elektrotehničkog fakulteta Univerziteta u Sarajevu je donijelo Rješenje kojim se odbacuje Prigovor prof. dr. Samira Omanovića, vanrednog profesora Elektrotehničkog fakulteta Univerziteta u Sarajevu broj: 02-5912/19 od 09. 12. 2019. godine, zbog formalno-pravnih nedostataka, neblagovorenog podnesenog Prigovora. Stoga u datom slučaju je radnik, podnosič Zahtjeva imao mogućnost žalbe, koja pravovremeno nije iskorištena.

Nadalje, cijeneći da je prof. dr. Samir Omanović, vanredni profesor Elektrotehničkog fakulteta Univerziteta u Sarajevu, uložio Prigovor zbog angažmana na realizaciji nastave na predmetu Vještačka inteligencija, te da je taj segment promijenjen, što proizilazi iz Obavijest dekana Elektrotehničkog fakulteta Univerziteta u Sarajevu broj: 02-6251/19 od 26. 12. 2019. godine, Upravni odbor Univerziteta u Sarajevu konstatira da u konkretnom slučaju nije evidentno da je došlo do povrede prava iz radnog odnosa. Shodno navedenom, Odlučeno je kao u dispozitivu ove Odluke.

Pouka o pravnom lijeku:

Ovo Odluka je konačna, a protiv iste se može pokrenuti radni spor pred nadležnim Sudom u roku od 90 dana.

**PREDSJEDNIK
UPRAVNOG ODBORA**

Dr. sci. Murat Ramadanović

Dostaviti

- Podnosiocu Zahtjeva prof. dr. Samiru Omanoviću, putem Elektrotehničkog fakulteta UNSA
- Elektrotehničkom fakultetu Univerziteta u Sarajevu
- Predsjedniku i članovima Upravnog odbora
- Generalnom sekretaru
- U dokumentaciju UO
- Arhivi

**-UPRAVNI ODBOR-**

Broj: 02-23-2/20

Sarajevo, 22. 04. 2020. godine

Na osnovu člana 129. stav (2). tačka j) Zakona o visokom obrazovanju („Službene novine Kantona Sarajevo“, broj: 33/17), člana 55. tačka k) Statuta Univerziteta u Sarajevu, te postupajući po Zahtjevu doc. dr. Ingmaru Bešića za zaštitu od diskriminacije i mobinga broj: 20191029-1/19 od 29. 10. 2019. godine, Upravni odbor Univerziteta u Sarajevu, na svojoj 22. elektronskoj sjednici održanoj dana 22. 04. 2020. godine je donio *s ljeđe*


Z A K L J U Č K E

1. Upravni odbor Univerziteta u Sarajevu cijeneći postojeće dokaze dostavljene od strane podnositelja zahtjeva i rukovodstva Elektrotehničkog fakulteta Univerziteta u Sarajevu, zaključuje da nema dovoljno relevantnih dokaza, na osnovu kojih bi Upravni odbor Univerziteta u Sarajevu mogao sa sigurnošću utvrditi postojanje elemenat mobinga.
2. Cijeneći navode podnosioca zahtjeva, Upravni odbor Univerziteta u Sarajevu u svojstvu poslodavca podsjeća rukovodstvo Elektrotehničkog fakulteta Univerziteta u Sarajevu na obavezu poštivanja odredbe člana 7 stav (3). Zakona o visokom obrazovanju („Službene novine Kantona Sarajevo“, broj: 33/17), kojom se obavezuju nadležna tijela visokoškolske ustanove/organizacione jedinice da poduzmu sve potrebne aktivnosti, u okviru utvrđenih nadležnosti, s ciljem sprečavanja vršenja diskriminacije članova akademske zajednice, kao i osiguranja njegovog akademskog napredovanja, te ravnopravnog sudjelovanja u realizaciji nastavnog, naučnonastavnog rada shodno važećim propisima.
3. Nadalje, Upravni odbor Univerziteta u Sarajevu sugerire da je osoblje obavezno poštivati pravila ponašanja koja su utvrđena odredbom člana 222. Statuta Univerziteta u Sarajevu, u okviru kojih se između ostalog navodi da je osoblje Univerziteta dužno u svom radu, djelovanju i ponašanju držati se etičkih načela, koja su utvrđena i odredbama Etičkog kodeksa Univerziteta u Sarajevu, kojim su nedvojbeno propisana neprihvatljiva ponašanja u okviru Univerziteta.
4. U svim budući zahtjevima radnika upućenim za zaštitu od bilo kojeg oblika diskriminacije, ovlašćuje se rektor Univerziteta u Sarajevu, da za svaki pojedinačni predmet imenuje komisiju (*ad hoc*) koja će izvršiti analizu dostavljene dokumentacije (te eventualno tražiti dopunu iste) i dostaviti prijedlog Upravnog odboru Univerziteta u Sarajevu za daljnje postupanje i odlučivanje.

Dostaviti:

- doc. dr. Ingmaru Bešiću
putem organizacione jedinice UNSA
- Dekanu Elektrotehničkog fakulteta UNSA
- Predsjednikui članovima UO
- Rektoru UNSA
- Generalnom sekretaru
- U dokumentaciju UO
- a/a

**PREDSJEDNIK
UPRAVNOG ODBORA**
Dr. sc. Murat Ramadanić



**-UPRAVNI ODBOR-**

Broj: 02-23-3/20.

Sarajevo, 22. 04. 2020. godine

Na osnovu člana 129. stav (2). tačka j). Zakona o visokom obrazovanju („Sl. novine Kantona Sarajevo“, broj: 33/17), člana 55. Statuta Univerziteta u Sarajevu i člana 36. stav (2). Poslovnika o radu Upravnog odbora Univerziteta u Sarajevu, razmatrajući Zahtjev za zaštitu prava podnosioca dr. sci. Dženana Jahića na Odluku Vijeća Fakulteta sporta i tjelesnog odgoja Univerziteta u Sarajevu, broj: 01-838/20 od 04. 03. 2020. godine, podnesen putem punomoćnika Fuada Kačapora, Elvira Čolaka i dr. sci. Esada Oruča advokata iz Sarajeva, kojom se odbija zahtjev za raspisivanje konkursa za izbor u zvanje docenta na predmetima Anatomija čovjeka, Fiziologija sporta i Sportska medicina, broj: 223/2020 od 09. 03. 2020. godine (zaveden pod brojem: 0101-3484/20 od 16. 03. 2020. godine), na svojoj 22. elektronskoj sjednici, održanoj dana 22. 04. 2020. godine *d o n i o*

Z A K L J U Ć A K

Zahtjev za zaštitu prava podnosioca dr. sci. Dženana Jahića na Odluku Vijeća Fakulteta sporta i tjelesnog odgoja Univerziteta u Sarajevu, broj: 01-838/20 od 04. 03. 2020. godine, podnesen putem punomoćnika Fuada Kačapora, Elvira Čolaka i dr. sci. Esada Oruča advokata iz Sarajeva, kojom se odbija zahtjev za raspisivanje konkursa za izbor u zvanje docenta na predmetima Anatomija čovjeka, Fiziologija sporta i Sportska medicina, broj: 223/2020 od 09. 03. 2020. godine (zaveden pod brojem: 0101-3484/20 od 16. 03. 2020. godine), se odbacuje *radi nenadležnosti*.

O b r a z l o ž e n j e

Upravnom odboru Univerziteta u Sarajevu je dana 16. 03. 2020. godine dostavljen Zahtjev za zaštitu prava podnosioca dr. sci. Dženana Jahića na Odluku Vijeća Fakulteta sporta i tjelesnog odgoja Univerziteta u Sarajevu, broj: 01-838/20 od 04. 03. 2020. godine, podnesen putem punomoćnika Fuada Kačapora, Elvira Čolaka i dr. sci. Esada Oruča advokata iz Sarajeva, kojom se odbija zahtjev za raspisivanje konkursa za izbor u zvanje docenta na predmetima Anatomija čovjeka, Fiziologija sporta i Sportska medicina, broj: 223/2020 od 09. 03. 2020. godine (zaveden pod brojem: 0101-3484/20 od 16. 03. 2020. godine).

U odnosu na Zahtjev za zaštitu prava podnosioca dr. sci. Dženana Jahića, Upravni odbor Univerziteta u Sarajevu ističe da je članom 103., a u vezi sa članom 135. stav (3). tačka j). Zakona o visokom obrazovanju Kantona Sarajevo („Službene novine Kantona Sarajevo“, 33/17) regulisano da stvarnu nadležnost za utvrđivanje prijedloga za raspisivanje konkursa za izbor akademskog osoblja ima Vijeće Fakulteta tj. da je Vijeće Fakulteta inicijator za raspisivanje konkursa. Nadalje, slijedom odredbe člana 103. stav (4). Zakona o visokom obrazovanju („Službene novine Kantona Sarajevo“, broj 33/17), Senat Univerziteta u Sarajevu donosi odluku kojoj se daje saglasnost za raspisivanje konkursa.

Shodno navedenoj analogiji, te poštivajući odredbu člana 130. stav (2). tačka k). kojom je utvrđena nadležnost Senata Univerziteta u Sarajevu, da shodno prijedlogu Vijeća organizacione jedinice vrši izbor akademskog osoblja, te uvažavajući i proceduru izbora u zvanje uređenu Zakonom, Upravni odbor Univerziteta u Sarajevu konstatira da je u isključivoj nadležnosti Senata Univerziteta u Sarajevu procedura izbora u zvanja, te je shodno tome Upravni odbor Univerziteta u Sarajevu odlučio kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanić

Dostaviti:

- Podnosiocu Zahtjeva
(zajedničke advokatske kancelarije, ul. Mustafe Pintola br. 25A II/8, 71210 Iliča),
putem Fakulteta sporta i tjelesnog odgoja Univerziteta u Sarajevu
- Dekanu Fakulteta sporta i tjelesnog odgoja Univerziteta u Sarajevu
- Predsjedniku i članovima Upravnog odbora
- Generalnom sekretaru
- U dokumentaciju UO
- Arhivi



**-UPRAVNI ODBOR-**

Broj: 02-23-4/20.

Sarajevo, 22. 04. 2020. godine

Na osnovu člana 129. stav (2) tačka j) Zakona o visokom obrazovanju („Sl. novine Kantona Sarajevo“, broj: 33/17), člana 55. tačka k) Statuta Univerziteta u Sarajevu, razmatrajući Žalbu podnositeljice prof. dr. Selme Rizvić, redovne profesorice na Elektrotehničkom fakultetu Univerziteta u Sarajevu podnesenu putem punomoćnika Bekira Gavrankapetanovića, Damira Koldže, Emira Kukića i Džemila Gavrankapetanovića, advokata iz Sarajeva (zavedena pod brojem: 0101-1881/20 od 11. 02. 2020. godine) na Odluku dekana Elektrotehničkog fakulteta Univerziteta u Sarajevu broj: 02-301/20 od 21. 01. 2020. godine, Upravni odbor Univerziteta u Sarajevu je na 22. elektronskoj sjednici, održanoj dana 22. 04. 2020. godine donio *s l e d e ē u*

O D L U K U

1. Žalba podnositeljice prof. dr. Selme Rizvić, redovne profesorice na Elektrotehničkom fakultetu Univerziteta u Sarajevu podnesena putem punomoćnika Bekira Gavrankapetanovića, Damira Koldže, Emira Kukića i Džemila Gavrankapetanovića, advokata iz Sarajeva (zavedena pod brojem: 0101-1881/20 od 11. 02. 2020. godine) na Odluku dekana Elektrotehničkog fakulteta Univerziteta u Sarajevu broj: 02-301/20 od 21. 01. 2020. godine, odbija se kao ***neosnovana***.

2. Ova Odluka stupa na snagu danom donošenja.

O b r a z l o ž e n j e

Prof. dr. Selma Rizvić, redovna profesorica na Elektrotehničkom fakultetu Univerziteta u Sarajevu dana 11. 02. 2020. godine, je putem punomoćnika Bekira Gavrankapetanovića, Damira Koldže, Emira Kukića i Džemila Gavrankapetanovića, advokata iz Sarajeva uputila Žalbu Upravnom odboru Univerziteta u Sarajevu na Odluku dekana Elektrotehničkog fakulteta Univerziteta u Sarajevu broj: 02-301/20 od 21. 01. 2020. godine (u daljem tekstu: Odluka).

Predmetnom Odlukom, se stavlja van snage Odluka dekana Elektrotehničkog fakulteta Univerziteta u Sarajevu kojom se radniku prof. dr. Selmi Rizvić, redovnom profesoru Elektrotehničkog fakulteta Univerziteta u Sarajevu, koja se prema zaključenom Ugovoru o radu sa Elektrotehničkim fakultetom Univerziteta u Sarajevu (br. 02-5297/18 od 24. 12. 2018. godine), nalazi u radnom odnosu na neodređeno radno vrijeme sa 20% radnog vremena, prevodi status radnika u radni odnos na neodređeno vrijeme sa punim radnim vremenom počevši od 01. 04. 2019. godine.

U spomenutoj Žalbi se naznačava, da je Vijeće Odsjeka za računarstvo i informatiku u svojstvu realizatora nastavnih aktivnosti cijenilo zaduženje i iskazalo potrebu za angažiranjem prof. dr. Selme Rizvić, redovne profesorice Elektrotehničkog fakulteta Univerziteta u Sarajevu na puno radno vrijeme. Nadalje se u podnesku ističe da je Vijeće Odsjeka za računarstvo i informatiku



Univerziteta u Sarajevu u više navrata dostavljalo zahtjeve i molbe upućene Vijeću Elektrotehničkog fakulteta Univerziteta u Sarajevu, kojim se tražilo utvrđivanje nastavnog ansambla nastavnika za izvođenje i realizaciju nastave na Odsjeku za računarstvo i informatiku, sa prijedlogom da podnositeljica prigovora učestvuje u realizaciji nastave sa punim radnim vremenom, a uz napomenu da imenovana izvodi nastavu na sljedećim predmetima: Računarska grafika i animacija, Numerička grafika i animacija, Multimedijalni sistemi, CAD – CAM inženjering, Web tehnologije i Razvoj igara i napredne metode kompjuterske grafike u digitalizaciji kulturnog naslijeda, ali da ni jedna od prijedloga nije uvršten u dnevni red i nikad nije razmatran na sjednici Vijeća Elektrotehničkog fakulteta Univerziteta u Sarajevu (prijedlozi Odsjeka naznačeni u nastavku).

Nakon dostavljenog prigovora, Univerzitet u Sarajevu je dana 19. 02. 2020. godine, isti uputio prema prvostepenom organu – Elektrotehničkom fakultetu Univerziteta u Sarajevu radi postupanja u skladu sa članovima 230. - 235. Zakona o upravnom postupku („Sl. novine FBiH“, br. 2/98 i 48/99).

S tim u vezi, Elektrotehnički fakultet Univerziteta u Sarajevu je dostavio svoje očitovanje u kojem između ostalog naznačava da je konkursna procedura za izbor prof. dr. Selme Rizvić, u naučnonastavno zvanje redovni profesor na naučnu oblast *Računarstvo i informatika*, okončana Odlukom Senata broj: 01-1101-19/18 od 19. 12. 2018. godine, na osnovu koje je sa imenovanom zaključen Ugovor o radu na neodređeno vrijeme sa udjelom od 20% radnog vremena, broj: 02-5297/18 od 24. 12. 2018. godine. Nadalje se naznačava, da je u kraćem vremenskom roku nakon okončanja postupka izbora u zvanje redovnog profesora, iako nije došlo do promjene okolnosti, od strane podnositeljice žalbe upućena Molba, broj: 08-155/19 od 11. 01. 2019. godine, za promjenu statusa i stalni angažman (sa punim radnim vremenom) na Odsjeku za računarstvo i informatiku Elektrotehničkog fakulteta Univerziteta u Sarajevu, koja je jednoglasno podržana od strane Odsjeka. Još se navodi i to da je u Prijedlogu Vijeća Odsjeka za računarstvo i informatiku utvrdio postojanje nastavne potrebe shodno činjenici da će imenovana biti angažirana na predmetu Web tehnologije na kojem postoji predmetni nastavnik, prof. dr. Vensada Okanović, koja u datom periodu nije imala ni minimalno nastavno opterećenje. Elektrotehnički fakultet Univerziteta u Sarajevu u svom očitovanju konstatira i to da je dekan na osnovu podnesene Molbe prof. dr. Selme Rizvić, redovne profesorice Elektrotehničkog fakulteta Univerziteta u Sarajevu i Prijedloga Vijeća za računarstvo i informatiku Elektrotehničkog fakulteta Univerziteta u Sarajevu, donio samostalno Odluku o promjeni ugovora podnositeljice žalbe, odnosno povećanju procenta radnog vremena sa 20% na puno radno vrijeme, broj: 02-1221/19 od 25. 03. 2019. godine, te da na istu nikada nije dato mišljenje sekretara organizacione jedinice.

Cijeneći potpunost, utvrđeno je da je uz prigovor priložena sljedeća dokumentacija:

- Prijedlog Vijeća Odsjeka za računarstvo i informatiku Elektrotehničkog fakulteta Univerziteta u Sarajevu za promjenu statusa (angažiranje na puno radno vrijeme) prof. dr. Selme Rizvić u realizaciji nastave od 09. 01. 2019. godine upućen Dekanu i Vijeću Elektrotehničkog fakulteta Univerziteta u Sarajevu,
- Informacija o procjeni opterećenja prof. dr. Selme Rizvić, redovne profesorice Elektrotehničkog fakulteta Univerziteta u Sarajevu za 2019/2020. studijsku godinu upućena prodekanu za opšte i finansijske poslove Elektrotehničkog fakulteta Univerziteta u Sarajevu broj: 08-3806/19 od 04. 09. 2019. godine,
- Prijedlog Vijeća Odsjeka za računarstvo i informatiku Elektrotehničkog fakulteta Univerziteta u Sarajevu za dopunu nastavnog ansambla za realizaciju nastavnog procesa na prvom ciklusu



studija na Odsjeku za računarstvo i informatiku Elektrotehničkog fakulteta Univerziteta u Sarajevu broj: 08-3816/19 od 04. 09. 2019. godine,

- Prijedlog Vijeća Odsjeka za računarstvo i informatiku Elektrotehničkog fakulteta Univerziteta u Sarajevu za nastavni ansambl za realizaciju nastavnog procesa u studijskoj 2019/2020. godini, broj: 08-5493/19 od 19. 11. 2019. godine,
- Prijedlog Vijeća Odsjeka za računarstvo i informatiku Elektrotehničkog fakulteta Univerziteta u Sarajevu za dopunu nastavnog ansambla za realizaciju nastavnog procesa prvog i drugog ciklusa na Odsjeku za računarstvo i informatiku Elektrotehničkog fakulteta Univerziteta u Sarajevu broj: 08-389/20 od 28. 01. 2020. godine,
- Zaključak Senata Univerziteta u Sarajevu broj: 01-1-116/20 od 29. 01. 2020. godine,
- Zaključak Upravnog odbora Univerziteta u Sarajevu broj: 02-3-5/20 od 23. 01. 2020. godine,
- Obrasci/ocjena ishodna učenja za Balaleaurata/Bachelora – Inženjera elektrotehnike na Odsjeku za računarstvo i informatiku,
- Obrasci/ocjena ishodna učenja za Master studij na Odsjeku za računarstvo i informatiku.

S obzirom da je prigovor podnositelja formalno-pravno ispravan (blagovremen, podnesen od strane ovlaštene osobe i potpun), uvidom u dostavljenu dokumentaciju Upravni odbor konstatira da je podnositeljica prigovora dana 07. 01. 2019. godine, uputila Molbu za prelazak u radni odnos sa punim radnim vremenom broj: 08-57/19, koji je jednoglasno podržalo Vijeće Odsjeka za računarstvo i informatiku Elektrotehničkog fakulteta Univerziteta u Sarajevu i na osnovu iste uputilo prijedlog prema Vijeću Elektrotehničkog fakulteta Univerziteta u Sarajevu, kojim se konstatira da je potrebno radi realizacije nastavnog procesa izvršiti promjenu statusa na način da se prof. dr. Selma Rizvić, redovna profesorica Elektrotehničkog fakulteta Univerziteta u Sarajevu angažira na puno radno vrijeme u cilju realizacije nastave na sljedećim predmetima: Računarska grafika, Numerička grafika i animacija i Web tehnologije (navedeni predmeti se realiziraju na I i II ciklusu studija), sa napomenom da je u toku izmjena plana i programa (II ciklus studija) u kojoj je planira da profesorica učestvuje u realizaciji nastave u okviru predmeta Razvoj igara, te da je prof. dr. Selma Rizvić, redovna profesorica Elektrotehničkog fakulteta Univerziteta u Sarajevu angažirana i u izvođenju nastave na III ciklusu studija na predmetnu Napredne metode kompjuterske grafike u digitalizaciji kulturnog naslijeđa.

Prijedlog Vijeća Odsjeka za računarstvo i informatiku Elektrotehničkog fakulteta Univerziteta u Sarajevu je dostavljen kao informacija na 41. redovnoj sjednici Vijeća Elektrotehničkog fakulteta Univerziteta u Sarajevu održanoj 14. 01. 2019. godine. S tim u vezi, Vijeće se razmatrajući dostavljenu informaciju donijelo Zaključak kojim se konstatira da će Vijeće Elektrotehničkog fakulteta Univerziteta u Sarajevu putem Rektorata Univerziteta u Sarajevu dostaviti upit Ministarstvu za obrazovanje, nauku i mlade Kantona Sarajevo, kojim će se tražiti upute za postupanje u pogledu zahtjeva za povećanje procenta radnog vremena zaposlenika (nastavnika) na Elektrotehničkom fakultetu Univerziteta u Sarajevu. Nakon postupanja Vijeća u skladu sa spomenutim Zaključkom, Ministarstvo za obrazovanje, nauku i mlade Kantona Sarajevo je u odnosu na postavljeni upit dostavilo dva akta, broj: 11-05-38-60-1/19 od 28. 01. 2019. godine i broj: 11-05-38-144224-1/19 od 18. 04. 2019. godine, u kojima se naznačava da je moguće izvršiti izmjenu procenta radnog vremena, te u istom i način i okolnosti pod kojima je moguće izvršiti izmjenu procenta radnog vremena i da je to isključiva nadležnost vijeća organizacione jedinice.

Nadalje je dekan Elektrotehničkog fakulteta Univerziteta u Sarajevu, je po dostavljanju odgovora na upit za postupanje, donio Odluku o promjeni procenta radnog vremena sa 20% na puno radno

vrijeme za prof. dr. Selmu Rizvić, redovnu profesoricu Elektrotehničkog fakulteta Univerziteta u Sarajevu broj: 02-1221/19 od 25. 03. 2019. godine. U odnosu na provedenu proceduru i donesenu Odluku dekana, izvršen je usmjereni inspekcijski nadzor od strane Kantonalnog prosvjetnog inspektora i doneseno *Rješenje kojim se zabranjuje od izvršenja Odluka dekana Elektrotehničkog fakulteta Univerziteta u Sarajevu broj: 02-1221/19 od 25. 03. 2019. godine kojim se Selmi Rizvić, dipl.ing.el., redovnoj profesorici Elektrotehničkog fakulteta koja se nalazi u radnom odnosu na nedređeno vrijeme sa nepunim radnim vremenom (20% radnog vremena) „prevodi“ status radnika u radni odnos na neodređeno vrijeme sa punim radnim vremenom jer je ista u suprotnosti sa Zakonom o visokom obrazovanju („Službene novine Kantona Sarajevo“, broj 33/17), broj: UP-1-14-12—38-17548-19-12/02-004 od 31. 12. 2019. godine.*

U predmetnom Rješenju Kantonalni prosvjetni inspektor za visoko obrazovanje ističe da je Vijeće Odsjeka za računarstvo i informatiku utvrdilo nastavnu potrebu, ali da Vijeće Elektrotehničkog fakulteta Univerziteta u Sarajevu koje je jedino nadležno da odlučuje o datom pitanju nije donijelo odluku o utvrđivanju potrebe, što predstavlja temeljni osnov za donošenje Odluke dekana. Stoga je dekan, shodno izrečenoj upravnoj mjeri Kantonalnog prosvjetnog inspektora za visoko obrazovanje donio Odluku broj: 02-301/20, kojom se ista stavlja van snage.

Cijeneći navedeno, Upravni odbor Univerziteta u Sarajevu konstatira da je u postupanju napravljeno niz propusta od strane rukovodstva organizacione jedinice, u smislu da je Vijeće Odsjeka za računarstvo i informatiku uredno podnijelo zahtjev Vijeću Elektrotehničkog fakulteta, te da je navedeno tijelo organizacione jedinice bilo obavezno postupati po zahtjevu Odsjeka, čime je nedvojbeno napravljen propust i prema podnositeljici žalbe, a koja je u konačnici dovedena u nepovoljan položaj u pogledu prava iz radnog odnosa.

U okviru očitovanja Elektrotehničkog fakulteta Univerziteta u Sarajevu još se navodi i to da sekretar organizacione jedinice nije dao stručno mišljenje, čime je povrijeđena odredba člana 126. stav (2). Zakona o visokom obrazovanju („Službene novine Kantona Sarajevo“, broj: 33/17) – (što shodno odredbama Zakona povlači sankcije) u okviru kojeg je utvrđeno da prije donošenja odnosno usvajanja općih i pojedinačnih akata od strane tijela visokoškolske ustanove/organizacione jedinice generalni sekretar odnosno sekretar organizacione jedinice su obavezni u pisanoj formi dati stručno mišljenje u odnosu na njihovu zakonsku usklađenost.

Međutim slijedom okolnosti i događaja koji su prethodili donošenju Odluke dekana, kojom se stavlja van snage Odluka dekana Elektrotehničkog fakulteta Univerziteta u Sarajevu kojom se radniku prof. dr. Selmi Rizvić, redovnom profesoru Elektrotehničkog fakulteta Univerziteta u Sarajevu, koja se prema zaključenom Ugovoru o radu sa Elektrotehničkim fakultetom Univerziteta u Sarajevu (br. 02-5297/18 od 24. 12. 2018. godine), nalazi u radnom odnosu na neodređeno radno vrijeme sa 20% radnog vremena, prevodi status radnika u radni odnos na neodređeno vrijeme sa punim radnim vremenom počevši od 01. 04. 2019. godine, broj: 02-301/20 od 21. 01. 2020. godine, tj. da je Odluka donesena kao rezultat izrečene upravne mjeri, samim tim pobijanjem predmetne Odluke pobija se i dovodi u pitanje izrečena mjera od strane Kantonalnog prosvjetnog inspektora, što je isključivo moguće ulaganjem žalbe Ministarstvu za obrazovanje, nauku i mlade Kantona Sarajevo u skladu sa poukom o pravnom lijeku datom u Rješenju Kantonalnog prosvjetnog inspektora. Nadalje cijeneći i navode iznesene u Žalbi, u kojoj se naznačava da je žalba upućena Ministarstvu za obrazovanje, nauku i mlade Kantona Sarajevo odbačena jer je ista ponesena od strane neovlaštenog lica, a osnovu čega se zaključuje

da istom nije prethodno upućen zahtjev za priznavanje svojstva zainteresirane strane u postupku, čime se propustilo uključiti u postupak i zahtijevati zaštitu prava.

Stoga Upravni odbor Univerziteta u Sarajevu u konačnici konstatira, da je predmetnu Odluku donijelo tijelo koje nije bilo nadležno za postupanje, a na osnovu čega Kantonalni prosvjetni inspektor donosi Rješenje kojim se zabranjuje izvršenje, te slijedom navedenog Upravni odbor Univerziteta u Sarajevu donosi Odluku kao u dispozitivu.

Pouka o pravnom lijeku:

Ovo Odluka je konačna, a protiv iste se može pokrenuti radni spor pred nadležnim Sudom u roku od 90 dana.



**PREDsjEDNIK
UPRAVNOG ODBORA**

Dr. sc. Murat Ramadanić

Dostaviti

- Podnositeljici žalbe prof. dr. Selmi Rizvić (advokatska kancelarija, ul. Šenovina broj 14/I), putem Elektrotehničkog fakulteta UNSA
- Elektrotehničkom fakultetu Univerziteta u Sarajevu
- Predsjedniku i članovima Upravnog odbora
- Generalnom sekretaru
- U dokumentaciju UO
- Arhivi



-UPRAVNI ODBOR-

Broj: 02-23-5/20.

Sarajevo, 22. 04. 2020. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17) i člana 55. Statuta Univerziteta u Sarajevu, kao i člana 36. stav (2). Poslovnika o radu Upravnog odbora Univerziteta u Sarajevu, a u vezi sa Žalbom podnositeljice prof. dr. Selme Rizvić, redovne profesorice na Elektrotehničkom fakultetu Univerziteta u Sarajevu podnesena putem punomoćnika Bekira Gavrankapetanovića, Damira Koldže, Emira Kukića i Džemila Gavrankapetanovića, advokata iz Sarajeva (zavedena pod brojem: 0101-1881/20 od 11. 02. 2020. godine) na Odluku dekana Elektrotehničkog fakulteta Univerziteta u Sarajevu broj: 02-301/20 od 21. 01. 2020. godine, Upravni odbor Univerziteta u Sarajevu je, na 22. elektronskoj sjednici održanoj dana 22. 04. 2020. godine, donio *s l i j e d e ē c i*

Z A K L J U Č A K

Obavezuje se poslodavac – Elektrotehnički fakultet Univerziteta u Sarajevu da prijedlog Vijeća Odsjeka za računarstvo i informatiku Elektrotehničkog fakulteta Univerziteta u Sarajevu uputi na razmatranje Vijeću Elektrotehničkog fakulteta Univerziteta u Sarajevu radi i odlučivanja o istom, a u cilju donošenja zakonite odluke.

**PREDSJEDNIK
UPRAVNOG ODBORA**

Dr. sc. Murat Ramadanić

Dostaviti:

- Prof. dr. Selmi Rizvić putem Elektrotehničkog fakulteta UNSA
- Dekanu Elektrotehničkog fakulteta UNSA
- Rektoru
- Predsjedniku i članovima UO UNSA
- Generalnom sekretaru
- Službi za plan i analizu UNSA
- U dokumentaciju UO UNSA
- Arhivi



Sarajevo, 22. 04. 2020. g.

Broj: 02-23-6/20

Rješavajući po Prigovoru dr. sci. Suvada Konakovića, izjavljenog 07. 04. 2020. godine na Odluku rektora Univerziteta u Sarajevu o otkazu ugovora o radu sa ponudom izmijenjenog ugovora o radu broj: 0101-512/20 od 16. 01. 2020. godine, na osnovu člana 129. stav (2) tačka j) Zakona o visokom obrazovanju („Službene novine Kantona Sarajevo“, broj: 33/17), člana 55. tačka k) Statuta Univerziteta u Sarajevu, a u vezi sa odredbama članova 107. i 114. Zakona o radu („Službene novine Federacije BiH“, broj: 26/16 i 89/18), Upravni odbor Univerziteta u Sarajevu na svojoj 22. elektronskoj sjednici Upravnog odbora Univerziteta u Sarajevu održanoj dana 22. 04. 2020. godine, donio *s l e d e ē u*

O D L U K U

1. *Odbija se* Prigovor dr. sci. Suvada Konakovića izjavljen na Odluku rektora Univerziteta u Sarajevu o otkazu ugovora o radu sa ponudom izmijenjenog ugovora o radu broj: 0101-512/20 od 16. 01. 2020. godine i potvrđuje se donesena Odluka rektora Univerziteta.
2. Ova Odluka je konačna i izvršna, a stupa na snagu danom donošenja.

O b r a z l o ž e n j e

Dr. sci. Suvad Konaković (u daljem tekstu: podnositelj Prigovora) podnio je Prigovor na Odluku rektora Univerziteta u Sarajevu o otkazu ugovora o radu sa ponudom izmijenjenog ugovora o radu broj: 0101-512/20 od 16. 01. 2020. godine (evidentiran pod brojem: 0105-4012/20 od 07. 04. 2020. godine) – (u daljem tekstu: pobijana Odluka).

Pobijanom Odlukom otkazuje se Ugovor o radu broj: 0101-7174/17 od 21. 11. 2017. godine, sa dr. Suvadom Konakovićem za obavljanje poslova generalnog sekretara Univerziteta u Sarajevu, te se imenovanom istovremeno nudi izmijenjeni ugovor o radu broj: 0101-512/20 od 16. 01. 2020. godine, uz napomenu da ukoliko radnik ne prihvati ponudu poslodavca, prestaje mu radni odnos u roku od 30 dana od dana dostavljanja ugovora o radu.

U odnosu na pobijanu Odluku, podnositelj prigovora u podnesku navodi sljedeće:

- da Jedinstveni pravilnik o radu Univerziteta u Sarajevu i Pravilnik o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu nije stupio na pravnu snagu uvažavajući odredbu člana 160. i dr. Zakona o visokom obrazovanju, kao i odredbe člana 100. Statuta Univerzitea u Sarajevu i drugih odredbi, saglasno kojim je Rektorat obavezan pribaviti mišljenje Ministarstva za obrazovanje, nauku i mlade koje do sada Rektorat nije dobio, te samim tim predmetna osporena Odluka, ponuda, Rješenje o imenovanju, Aneks ugovora i Ugovor o radu nisu

- zakoniti, a podnosiocu prigovora su na ovaj način flagrantno prekršena osnovna radna prava;
- da reprezentativni Sindikat Univerziteta u Sarajevu nije dao saglasnost na Jedinstveni pravilnik o radu i Pravilnik o unutrašnjoj organizaciji i sistematizaciji radnih mesta što je zakonska i statutarna obaveza;
 - da je Ministarstvo za obrazovanje, nauku i mlade KS aktom broj: 14/05-38-42792-1/19 od 13. 01. 2020. godine obavijestilo Univerzitet da nije u mogućnosti dati pozitivno mišljenje na pravilnike o unutrašnjoj organizaciji i sistematizaciji radnih mesta Rektorata i organizacionih jedinica Univerziteta, što predmetne pravilnike čini nezakonitim;
 - da nema Mišljenja Odbora za normativna pitanja;
 - da je podnositelj Prigovora zasnovao radni odnos na Univerzitetu na neodređeno vrijeme, a shodno Rješenju o imenovanju za šefa Službe na period u trajanju od četiri godine, narušena su njegova osnovna prava iz radnog odnosa, a samo Rješenje je u suprotnosti sa Zakonom o radu, Pravilnikom o radu i Kolektivnim ugovorom za djelatnost visokog obrazovanja i nauke na Univerzitetu u Sarajevu.

Nadalje, dana 17. 04. 2020. godine, na predmetni Prigovor dostavljen je i očitovanje rukovodstva Rektorata Univerziteta u Sarajevu (putem Službe za opće poslove), u kojem se naznačava, kako slijedi:

- da je dr. sci. Suvad Konaković zasnovao radni odnos na Univerzitetu u Sarajevu dana 23. 04. 2014. godine po osnovu zaključenog ugovora o radu na neodređeno vrijeme sa punim radnim vremenom, za obavljanje poslova generalnog sekretara Univerziteta u Sarajevu;
- stupanjem na snagu Jedinstvenog pravilnika o radu Univerziteta u Sarajevu, Pravilnika o unutrašnjoj organizaciji i sistematizaciji radnih mesta na Univerzitetu u Sarajevu, te Pravilnika o unutrašnjoj organizaciji i sistematizaciji radnih mesta Rektorata i podorganizacionih jedinica Univerziteta u Sarajevu, ispunili su se uvjeti za usklađivanje radnopravnog statusa osoblja Rektorata;
- s tim u vezi, a s obzirom da je dr. sci. Suvad Konaković bio privremeno spriječen za rad (bolovanje), počevši od septembra mjeseca 2019. godine, Odluka o otkazu sa ponudom izmijenjenog ugovora o radu poslana mu je putem pošte dana 31. 01. 2020. godine, a ista je putem pošte vraćena dana 10. 02. 2020. godine, uz naznaku „obaviješten nije podigao“.
- s obzirom da je dr. sci. Suvad Konaković, generalni sekretar Univerziteta u Sarajevu počeo dolaziti na posao dana 19. 03. 2020. godine, Odluka o otkazu ugovora o radu sa ponudom izmijenjenog ugovora o radu broj: 0101-512/20, zajedno sa izmijenjenim ugovorom o radu, dostavljena mu je uz popratni akt broj: 0101-1268/20 od 29. 01. 2020. godine. Dr. sci. Suvad Konaković je blagovremeno dostavio dana 25. 03. 2020. godine Izjašnjenje, u kojem je istakao da ne može prihvati predmetne akte prije svega jer su nezakoniti, a samim tim narušavaju stečena prava zasnovana na zakonu, te je predložio da se isti povuku. U vezi sa dostavljenim Izjašnjenjem je dr. sci. Suvad Konaković, upućen dopis rektora Univerziteta u Sarajevu u kojem se navodi da su navodi istaknuti u Izjašnjenju netačni, te da mu, s obzirom da mu je izmijenjeni ugovor o radu dostavljen dana 23. 03. 2020. godine, teče otkazni rok koji traje 30 dana;
- dana 07. 04. 2020. godine dr. sci. Suvad Konaković je dostavio Upravnom odboru Univerziteta u Sarajevu Prigovor izjavljen na Odluku o otkazu ugovora o radu sa ponudom izmijenjenog ugovora o radu broj: 0101-512/20 od 16. 01. 2020. godine, zaprimljenu dana 23. 03. 2020. godine.

Cijeneći formalno pravnu ispravnost Prigovora, Upravni odbor Univerziteta u Sarajevu je utvrdio da je isti blagovremen, dopušten i izjavljen od strane ovlaštene osobe. Prigovor je izjavljen, osim na pobijanu Odluku i izmijenjeni Ugovor o radu, i na dopis rektora broj: 0101-1268/20 od 29. 01. 2020. godine, Rješenje o imenovanju za šefa Službe za upravljanje imovinom, te pripadajući Aneks ugovora o radu.

Cijeneći navode iz Prigovora kao i dostavljenu dokumentaciju od strane Službe za opće poslove Univerziteta, Upravni odbor Univerziteta u Sarajevu konstatira da je Univerzitet u Sarajevu shodno utvrđenoj proceduri pribavio prethodno mišljenje Ministarstva za obrazovanje, nauku i mlade Kantona Sarajevo, što je utvrđeno na osnovu priloženog dokaza, Mišljenja broj: 11/05-38-29548-2/19 od 19. 08. 2019. g, te akt broj: 11-05-38-1774.1-1/19 od 11. 10. 2019. godine, koja su u vezi sa Jedinstvenim pravilnikom o radu Univerziteta i Pravilnikom o unutrašnjoj organizaciji i sistematizaciji radnih mesta na Univerzitetu u Sarajevu i Mišljenje akt broj: 11-05-38-1774.1-2-/19 od 11. 10. 2019. godine koje je u vezi sa Pravilnikom o unutrašnjoj organizaciji i sistematizaciji radnih mesta Rektorata i podorganizacionih jedinica Univerziteta.

Nadalje, Upravni odbor Univerziteta u Sarajevu cijeni da je Univerzitet u Sarajevu postupio u skladu sa članom 160. stav (8). Zakona o visokom obrazovanju („Službene novine Kantona Sarajevo“, broj 33/17), *kojim se utvrđuje da je Univerzitet prije usvajanja jedinstvenog pravilnika o radu obavezan prethodno pribaviti mišljenje Ministarstva u odnosu na primjenjenost principa funkcionalne integracije.*

Nadalje, postupajući u skladu sa članom 100. stav (3). Statuta Univerziteta u Sarajevu broj: 01-1093-3-1/18 od 28. 11. 2018. godine, evidentno je i to da je Univerzitet u Sarajevu slijedom utvrđene procedure konsultirao i reprezentativni Sindikat Univerziteta u Sarajevu, što proizilazi iz sljedeće dokumentacije:

1. Mišljenje Sindikata UNSA po pitanju usklađenosti Jedinstvenog pravilnika o radu broj: 16-01/19 od 21.01.2019.g.
2. Dopis Univerziteta broj: 0101-6843-1/19 od 25. 07. 2019. godine uz koji se dostavljaju prijedlozi predmetnih pravilnika – zaprimljeni 26. 07.2019. godine pod brojem SUNSA: 283-07/19;
3. Dopis Univerziteta broj: 0101-10686/19 od 19. 11. 2019. godine uz koji se dostavlja izvršena dopuna Pravilnika o unutrašnjoj organizaciji i sistematizaciji radnih mesta na Univerzitetu u Sarajevu, a shodno Mišljenju Ministarstva za obrazovanje, nauku i mlade KS.
- Informacija Ministarstva za obrazovanje, nauku i mlade KS broj: 14/05-38-42792-1/19 od 13. 01. 2020. godine, se odnosi na pravilnike o unutrašnjoj organizaciji i sistematizaciji radnih mesta organizacionih jedinica UNSA, a Jedinstveni pravilnik o radu UNSA, Pravilnik o unutrašnjoj organizaciji i sistematizaciji radnih mesta Univerziteta u Sarajevu, dostavljeni su Ministarstvu uz odluke Upravnog odbora Univerziteta u Sarajevu o donošenju.
- Mišljenje Odbora za normativna pitanja, koje je pribavljeno.

Također, Upravni odbor Univerziteta u Sarajevu konstatira i to da je podnositelj prigovora prije razmatranja i donošenja konačne odluke od strane Upravnog odbora Univerziteta u Sarajevu, dostavio potpisane primjerke izmijenjenog ugovora o radu broj: 0101-512/20 od

16. 01. 2020. godine koji je ponuđen od strane poslodavca, iz čega proizilazi da je podnositelj Prigovora saglasan sa istim, odnosno, svojim potpisom je isti prihvatio.

U skladu sa navedenim, odlučeno je kao u dispozitivu.

Pouka o pravnom lijeku: protiv ove Odluke može u roku od 90 dana podnijeti radni spor pred nadležnim Sudom.



**PREDSJEDNIK
UPRAVNOG ODBORA**

Dr. sci. Murat Ramadanić



Dostaviti:

- Dr. sci. Suvadu Konakoviću, putem Rektorata Univerziteta u Sarajevu
- Rektoru UNSA
- Predsjedniku i članovima UO
- Služba za opće poslove
- Služba za računovodstvo i finansije
- Prorektoru za finansije
- U dokumentaciju UO
- a/a





-UPRAVNI ODBOR-

Broj: 02-23-7/20.

Sarajevo, 22. 04. 2020. godine

Na osnovu člana 129. a u vezi sa članom 103. stav (3). Zakona o visokom obrazovanju („Sl. novine Kantona Sarajevo“, broj: 33/17) i člana 55 Statuta Univerziteta u Sarajevu, kao i člana 36. stav (2) Poslovnika o radu Upravnog odbora Univerziteta u Sarajevu, a u vezi sa Odlukom Vijeća Fakulteta političkih nauka Univerziteta u Sarajevu o izmjeni Dinamičkog plana potreba za raspisivanje konkursa za izbor u zvanja broj: 02-1-298-1/20 od 10. 03. 2020. godine, Upravni odbor Univerziteta u Sarajevu je, na 22. elektronskoj sjednici održanoj dana 22. 04. 2020. godine, donio *slijedi*

ZAKLJUČAK

1. Prima se k znanju dopuna Dinamičkog plana potreba za raspisivanje konkursa za izbor u zvanja na Fakultetu političkih nauka Univerziteta u Sarajevu za studijsku 2019/2020. godinu, utvrđena Odlukom Vijeća Fakulteta političkih nauka Univerziteta u Sarajevu o izmjeni Dinamičkog plana potreba za raspisivanje konkursa za izbor u zvanja broj: 02-1-298-1/20 od 10. 03. 2020. godine.
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog Zaključka čini sastavni dio ovog Zaključka.

**PREDSEDJEDNIK
UPRAVNOG ODBORA**

Dr. sc. Murat Ramadanić



Dostaviti:

- Fakultetu političkih nauka UNSA
- Rektoru
- Predsjedniku i članovima UO UNSA
- Generalnom sekretaru
- Službi za plan i analizu UNSA
- U dokumentaciju UO UNSA
- Arhivi